





c 53

R





1620

12. *far 1712.*

LES PLAINTES
DE LA FRANCE
à ses enfans des-
naturez.



M. D C. X X.

Case

F

39

231.326 19 231

231.1626/Li. 11

231.1626/Li. 11

NOTED

THE NEWBERRY
LIBRARY

EX 3011



LES PLAINTES DE LA
France à ses enfans desnaturez.



Oy qui possede lo
 plus beau , & lo
 plus riche partage
 de l'Europe : qui
 tiens le plus haut
 des sceptres, & qui
 porte le tiltre glo-

rieux d'ainée de la Chrestienté, Moy
 France jadis Maistresse de l'Empire, Es-
 pouse de tant de grands Roys, & Mere
 de tant de peuples François ; me voicy
 la plus defastree Espouse, & la plus in-
 fortunée Mere ~~que~~ le Soleil vit iamais,
 & d'autant plus miserable que ma no-
 blesse agrandit mes miseres , & que
 tout à coup ie me trouue accablée

4
soubz le faiz d'une estrange , & non
pour pensèe calamité. Hé quel plus si-
nistre accident me pouuoit-il arriuer
que de me veoir deschiree par les
mains de ceux mesmes que j'ay nour-
ris , allaitez , & portez en mes entrail-
les. Ah indignes enfans ! enfans cor-
rompus ! engence de vipere ! race per-
uerse & pecheresse ! quelle furie , quelle
rage vous a portez à seuir ainsi con-
tre vous mesmes , à vous perdre en
me perdant , & vous enseuellir soubz
mes ruines ? De quel malheureux
principe sont donc sortis ces mouue-
mens si farouches , & deportemens si
sauuages ; que d'une multitude de Ci-
toyens viuans soubz l'autorité d'un
mesme Prince , vous soyez aujour-
d'huy cōuertis en vn monstre hydeux ,
& espouuentable spectacle d'horri-
bles confusions ? de quel enfer sont
sortis ces Escripts injurieux , &
pleins de fiel , ces parolles enuenimées ,
& ses conuices & outrages tirez des

lieux les plus infames. D'où ces Me-
geres escheuellées qui ne se contén-
tant pas de l'aigreur de leurs voix sedi-
tieuses, passent mesme à l'insolence
des actions les plus forcénées, & dam-
nables; conuertissent les traicts de plu-
me en autant de coups d'espee, trem-
pent la terre du sang de leurs sembla-
bles, & la couurent de corps morts ?
D'où ceste correction qui ne regarde
comme elle amandera: mais comme
elle acheuera de perdre ? Et ceste
cruelle & sanglante chirurgie qui ne se
soucie de guerir & ne pense qu'à des-
chirer la playe, & à l'aigrir par le reme-
de qu'elle propose ? Car son feu, son
razoüier, & sa scie, ne seruent d'autre
chose que d'auancer la mort du mala-
de, & l'accompagner d'angoisse &
de tourment, à l'exemple de ce pre-
mier medecin, qui du Peloponneze
vint à Rome, & que les Romains nom-
merent le *Blesseur* ou *Faiseur de playes*, à
cause de sa cruauté à couper & brusler

les malades. Pourquoy ces villes esbranslees en leur deuoir , tant de familles diuisées, & les plus proches amitez, & alliances violées ? de telle sorte que l'accomplissement des anciennes propheties semble proche, que le frere combatra contre le frere, l'amy s'attaquera à l'amy, l'enfant s'adressera au vieillard, & le roturier outragera le noble ? Et d'où vient que ie me trouue couuerte de toutes parts, & opprimee de gens de guerre ? D'où les armées des enfans, & des peres, des freres, des parens & compatriotes, rengées les vns contre les autres ? D'où, & d'où vient que tout respect de la pudeur, & de la Iustice est mis sous le pied ? Que la seule Force a esté appellée en conseil, & a donné le signal pour mesler, & renuerfer toutes choses ? Que les crimes de leze maiesté diuine & humaine sont declarez francs & libres de l'autorité des loix ? Qu'en somme le feu, & le fer semblent auoir à pre-

sent la souveraine puissance ? Helas !
 que diray-je icy ? ou comment est-ce
 que je diray ? ou en effect qu'est-ce
 que je ne diray point ? mais quelles pa-
 rolles pourront esgaler l'enormité
 d'un si sanglant subiect, & en quels ter-
 mes l'exprimeray-je ? & de quelles
 bornes pourray-je enfermer ces plain-
 tes & lamentations publiques.

Certes je diray, quoy qu'à mon grâd
 regret, que Bazine Royné de Thurin-
 ge a bien prophetisé de vous O Fran-
 çois mes indignes enfans, quand elle a
 dict, *que la premiere lignée seroit comme
 des Lyons & Leopards, la seconde comme
 des Ours, & la troisieme comme des Chiës
 qui se deschireroient l'un l'autre.* Et cest ce
 qui se void accomplir en ce temps, &
 pleust à Dieu a tout le moins qu'on ne
 le veit pas : O que mon mauuais Genie
 est puissant en ces iours ! Iours malen-
 contreux ! Iours plus mal'heureux que
 tous les iours Noirs des Romains en-
 semble ! Iours pleins de miseres, & de

malheurs! Que les tenebres & ombres
 de la mort vous couurent eternelle-
 ment! Que les nuées demeurent obs-
 curcies sur vous! Et que la lumiere du
 soleil ne vous esclaire iamais! Que vous
 ne soyez point entre les iours de l'an, &
 ne veniez au nombre entre les mois!
 Comment est-ce que l'Aurore peut en
 ce temps visiter la terre, puis qu'elle
 enfante des monstres si prodigieux?
 Comment ne s'obscurcit le soleil si
 tost qu'il est leué? Est-ce pour me re-
 presenter, & me faire voir ces beaux
 chefs-d'œuvre de trahison, de perfidie
 & d'impieté? peu s'en faut que ie ne fa-
 ce comme les Lybiens Apharantes qui
 disoient des iniures au soleil leuant, &
 l'outrageoient comme celuy qui of-
 froit a nostre veue tant de sorte de
 maux, & de calamitez. Et que voy-je
 à present tout à l'entour de moy que
 des gens plus dangereux & pernicieux
 que les serpens, qui quelque venin, pe-
 ste, poison & mort certaine qui soient

en eux, n'attaquent & ne deschirent
 ceux qui sont de mesme espee, là où
 ces Dragons humains ou plustost in-
 humains, se vont deschirants & se mâ-
 geants cruellement les vns les autres :
 tellement que le voisinage, l'alliance,
 le mesme sang & la mesme nation, la
 communication de l'ague & de mœurs,
 qui deburoient estre liens de paix, de
 concorde & d'amitié, seruent aujour-
 d'huy de flambeaux de guerre, de dis-
 sention, & d'inimitié: vrayement Dra-
 gons qui combattent les Elephants &
 sucent leur sang, & puis creuent apres l'a-
 uoir succe, & ces malheureux enfans ex-
 citants entre eux des troubles & sedi-
 tions, souffrent respectiuement & se
 ruinent de part & d'autre; Semblables a
 ceux qui pour se venger de leur diffor-
 mité, donnent vn coup de poing sur
 le miroir, pour le rompre & s'offencent
 les premiers par les pieces du verre qui
 leur blessent la main.

O Dieu quel chāgement de temps!

Quel reuers estrange! autrefois mes
 enfans paroissoient au loing contre les
 estrangers, & maintenant ils tournent
 la poincte de leurs armes contre eux
 mesmes! Et où est le temps auquel ils
 donnoient tant de barailles contre les
 Sarrafins, Gots, Arriens, Vandales &
 autres qui venoient inonder la Chre-
 stienté d'un deluge de toute sorte de
 maux & d'impietez? Ce fut lors que
 combattans avec non moins de zele
 que de courage, ils estendirent sur la
 place plus de cent mille Barbares en
 vne seule fois? Où est le temps auquel
 ils employoient, leurs moyens, leurs
 armes & leurs vies à repurger l'Espagne
 de tant de Payens & heretiques qui y
 fourmilloient; contraignans mesmes
 les Saxons apres tant de victoires rem-
 portées sur eux, tant de trophées, tant
 de triumphes, de receuoir la foy Chre-
 stienne & Catholique? Et où est le
 temps qu'ils rangerent sous l'esten-
 dard de la Croix & sous l'obeissance

de l'Eglise, les Danois & autres peuples ? Qu'ils exterminoient l'heresie dans les champs Albigeois ; dotoient tant d'Abbayes , bastissoient tant de riches & superbes temples, & faisoient voir leur zele à la religion , & leur force aux combats, aux coins les plus reculez soit d'Orient, soit d'Occident. Et ne sont-ce pas les François qui par trois fois ont passé des armées en Levant ? Et (O gloire immortelle, & qui est pardessus tout l'honneur de tous les peuples, Empires & Royaumes quelconques) ont remis par quatorze fois les Papes en leurs sieges ? On dit que de la fleur de Lis se tire vne huile, qui non seulement est de soefue & agreable odeur , mais tres vtile aux maux de teste, en ceste sorte les Papes qui sont les chefs visibles de l'Eglise vniuerselle, esprouuerent alors en leurs afflictions, ce que le Lis de ma Couronne leur valoit quand tant de fois il les a remis & raffermis en leurs Throines :

& neantmoins à present, O temps, O mœurs, ces Lions, ces Leopards, ces Ours, selon la prophetie de la Roynne de Thuringe, se sont metamorphosez en Chiens qui abayent seulement les vns contre les autres, se deschirent & s'entremangent l'un l'autre. Je ne suis plus aussi fleurissante, paisible, & puissante comme j'ay esté autresfois, & si long temps, qu'il n'y a Estat au monde qui soit egal endurée à l'Estat des François: les maladies qui heurtent & renuersent les Monarchies, ne me touchoient que peu ou point du tout. Je fleurissois chez moy en vertus, & particulierement en Religion, en iustice, & en pieté. l'estois en paix abondante en richesses, nulle enuie entre mes Princes, nuls meurtres, nulles cruautéz ne desfiguroient ma face; i'estois puissante, & autant redoutée de mes voisins, que chérie & aymée de mes enfans. Et oultre tant de prosperitez temporelles, i'estois comblée d'une infinité de faueurs

& benedictions spirituelles, d'auoir esté comme par excellence, appelée, le Royaume Tres-Chrestien, le Royaume del'Eglise, l'heritage de Dieu, sa part & portion qu'il a choisie en la terre, & le Royaume qui a succédé au Royaume de Iuda. Bref i'estois estimée & creüe la terre de Promission, que Dieu s'estoit reserüée en la terre Chrestienne, & en laquelle il se plaitoit merueilleusement, & prenoit les delices. Au lieu qu'aujourd'huy par vn changement bien estrange, ie me voy diuisée de foy & de religion, & ceux mesmes d'entre les miens qui sont vnis en croyance, ie les voy partagez de volonte, desirs & pretensions, toutes lesquelles choses ne me peuuent estre que des augures tres-assurez & infailibles de ma destruction & totale ruine.

Je vous conjure mes enfans, de vous remettre en memoire ce que i'ay esté autresfois, par l'vnion & concorde de mes premiers peuples, & ce que ie suis deuenüe par leur diuision. Considérez

vn peu quelle a esté l'estenduë de mon Empire, durant le regne des Rois mes Espoux, Charles le Grand, & Louys le debonnaire son Fils, comme i'estois bornee d'vn costé par la mere Oceane iusques à l'extremité de la mer Tirrhene, & de la mer Noire: de l'autre, par le fleuve Hebro d'Espaigne, iusques au Danube & Boristhene: Et vous ressouuenez que la diuision qui le feit entre les enfans de ces deux grands Rois, de tant de grands pays & Royaumes, m'a reduitte en fin entre les môs Pirenees, les Alpes, le Rhein, la mer Oceane, & Mediterannee où ie reste à present esbrechée mesme en plusieurs endroits.

Representez-vous les malheurs & desastres qui me sont arriüés par les grâdes cruelles & sanglantes dissentions des trois enfans de Louys le Debonaire en ma seconde Lignée; car elle me desnuerent & espuilerent tellement d'hommes, d'armes, & de moyens, que moy qui peu auparauant estois redoutable

à toutes les nations du monde , qui auois faict trembler l'Espagne , conquis vne de ses grandes parties , subiugué l'Alemagne , dompté la Lombardie, fait tributaires les Isles de l'Ocean, m'estois renduë effroyable aux Grecs, recherchée avec honneur , respect, & crainte de tous les Princes, & peuples, voire des plus esloignez mesmes d'Aaron Roy de Perse , fus puis apres le iouët de la Fortune, & la proye de certains Pirates Danois, n'aguères mes tributaires, lesquels non seulement coururent toutes mes Costes, & se firent maistres de la mer, mais descendans en terre me pillerent, & rauagerent à plaisir, prindrent & ruinerent de fonds en comble plusieurs villes mes cheres filles, & assiegerent la capitale. Et qu'elle fust la cause principale qui tourna la prosperité de mes premiers enfans les François Orientaux en aduersité, sinon qu'au commencement l'Estat des melcreans estoit diuisé en plusieurs

seigneuries & principautez , & encores plus en diuersité de conseils , desseings , soupçons , defiances , & emulations des vns contre les autres , tellement qu'il y en auoit tousiours lesquels portez de hayne contre les leurs se rendoient amis des autres , mais puis apres par la permission diuine , il fut reduit sous l'obeissance d'un seul , au seul signal duquel leurs armes estoient leuées & par succession de temps rendues si puissantes par c'estevnion , qu'il ny eust plus moyen de leur resister : Et ainsi ie perdis mes Prouinces autant honteusement que glorieusement ie les auois acquises. Et n'est-il pas vray que si en vne armée vn seul regiment , si en vn regiment vne seule compagnie , si en vne compagnie vn seul soldat se desbande , & se diuise , bien souuent toute l'armée en reçoit du desordre & de la confusion : Qui pourroit donc garantir mes enfans , mes villes & mes Prouinces de semblables ou plus grandes pertes,

pertes, puis que le nombre de ceux qui se licentient, s'émancipent de leur devoir & rompent l'union, & la concorde fraternelle, est si grand que ie crains & avec subiect que nos communs aduersaires profitans de vos diuisions, & triomphans de vos malheurs, ie ne sois la fable & le iouet de mes voisins, moy qui en ay tousiours esté la crainte & la terreur.

O guerre ciuille! maudite guerre! guerre enragée qui me ronges les entrailles il y a si long-téps! c'est de toy principalement que i'ay à me plaindre, guerre furieuse & redoutable! en laquelle quelque pretexte specieux qu'on puisse emprunter, c'est tousiours le Roy mon Espoux, lequel y est le plus offensé, & intéressé, & qui par consequent en deuroit concevoir plus d'indignation, & d'aigreur que tous. Guerre, estrange guerre! puis qu'elle est proprement sans ennemis, & qu'il est miserable d'en sortir victorieux. Aussi

triompher de ses subiects, & Citoyens,
 est veritablement vn faux triomphe,
 & plustost digne de larmes que de
 ioye: C'est en ce temps-là que la force,
 & le bon heur est vne espece de sacrile-
 ge, & de malheur: Et qui ne sçait (di-
 soit quelqu'un) combien grand crime
 est la vertu aux guerres, & les diuions
 intestines? esquelle on ne veoid que
 l'impieté & le mepris du nom diuin,
 l'Eglise outragée, son saint exercice
 banny, & la iustice oppressée: On ny
 apperçoit qu'une insatiable conuoitise
 du butin, l'impunité du pillage, l'es-
 perance de pelcher en eauë trouble,
 l'audace de leuer les deniers du Roy &
 d'imposer mesmes de nouueaux subfi-
 des & contributions: la courtoisie y est
 prinse pour dol, & pour tromperie, le
 pardon interpreté à crainte, l'humani-
 té recognuë d'inhumanité, & la bien-
 ueillance recōpensée d'ingratitude: Et
 quel obiect plus pitoyable, quel specta-
 cle plus funeste que de veoir tous les

iours les afflictions extremes, & la déplorable condition du pauvre laboureur, nostre vray nourricier, auquel continuellement on rait le pain d'entre les mains, pain destrempé de sa sueur, de ses larmes, & de son sang, sans compter toutes les insolences & barbaries du soldat, & la charge des tailles excessiues, leuees ordinairement de part & d'autre, & autres mille exactiōs, & extorsions pleines de cruauté, & de barbarie. Et c'est ainsi tousiours que le pauvre peuple porte tout, & souffre tout, & cōme les mauuaïses humeurs du corps tombent ordinairement sur les plus basses parties, qui sōt les pieds; ainsi les plus vitieuses humeurs de l'Estat retombent coustumieremēt sur le pauvre peuple, qui en est le pied, la baste, & le fōdemēt. Pauvre peuple, hélas! ie pleure, ie prie, & crie pour toy: car tu ressemblés au Crocodil, tu as biē des yeux pour plorer, mais tu n'as point de langue pour parler, & te plaindre. O Dieu

quel remede à tant de malheurs : car si
 parmy ces fureurs ciuilles , on s'oppo-
 se à bon escient aux pernicioeux desseins
 des meschās, il ny a rien de cruel & d'e-
 strāge à quoy les hōmes ne se portent,
 voire iusques à despouiller du tout ce
 qui est de l'humanité , exerceās tout ce
 que peut la dissolution en villainies , la
 cruauté en tourmens , l'auarice en rapi-
 nes , & l'orgueil en contumelies : De
 sorte que le bō Bourgeois ne peut fai-
 re estat de ses biens , ne se peut assen-
 rer que la chasteté de sa femme ne soit
 point violée, la pudicité de ses filles ra-
 uie , & se couchant le soir ne se peut
 promettre le lēdemain au matin d'estre
 en vie , ayant à tous moments la mort
 deuant ses yeux , ou plustost vne vie
 lāguissante en captiuité , pire mille fois
 que la mort, se representant à tout heu-
 re vne prison cruelle qui par le feu , le
 fer , les foüets , les frontaux , la soif, &
 la faim, l'horreur des tenebres, & mille
 autres tourmens , exprime tout le suc,

& le sang du miserable captif.

O guerre ciuille ? mere & nourrice des chancres effroyables ? Car comme au corps il y a des vlceres que le medicament d'un costé renouuelle de l'autre, la cure estant negligée le mal gagne pays, iusques à ce que tout soit gaste, & corrompu, d'où suit le desespoir de la guérison : ainsi durant ton regne, & pendant ta vigueur, les esprits sont frappez de semblables chancres, lesquels si on veut guerir, ou au moins adoucir par remedes lenitifs, la douceur & la moderation se conuertissent en impunité de forfaits.

Guerre ciuille ? fiebure ardente, & rigoureuse qui vas minant le malade, duquel les remedes paliatifs reculēt plustost qu'ils n'aduancent la santé ? Tu es vn feu qui s'atache à la maison, dont il faut qu'on abbate le roict affin de sauuer le reste : couper chemin à la flamme, & preseruer les edifices voisins. Feu (dis-je) qui vas consumant

petit à petit nos fortunes, & reduis les
 Royaumes en cendres. Guerre ciuile!
 inondation espouuenteable! en laquel-
 le tout ce qui viét en main, & pretieux,
 & vile est opposé au cours de sa violan-
 ce. Tempeste noire & inexorable, en
 laquelle on jette en mer iusques à ce
 qui est de plus beau, & de plus riche
 dans le vaisseau, pour resister à la rage,
 & furie des vents impetueux, & le ga-
 rantir de naufrage; ainsi les Roys &
 Princes Souuerains, pressez par la ne-
 cessité, qui donne la loy, & n'en reçoit
 point, afin que le corps de leur Estat
 subsiste, sont forcez de tolerer, per-
 mettre, & faire beaucoup de choses,
 lesquelles autrement sembleroient
 moins iustes & raisonnables. Hé, quel
 plus violent rauage? quel feu plus ve-
 hement? & quel naufrage plus dange-
 reux m'a onques menacé, que celuy
 que ie vois aujourd'huy préparé pour
 me renuerfer, me consumer, & me
 perdre? Car ie voy les membres d'un

mesme corps, s'entre deschirer perpetuellement à la ruine commune du tout: ie voy l'œil fenestre qui emprunte la main qui est de son costé, pour creuer le dextre, sans considerer que le mal de l'un est le mal de l'autre.

Certainement il faut que ie confesse que ie me trouue en vn extreme malice de siecle: en vne detestable corruption de mœurs, & en vne furieuse intemperie d'esprits; ah! ie voy bien que l'impieté est vn violant poison capable de gaster en vn moment & destruire les Royaumes tous entiers. C'est elle ceste furie infernalle, cest l'impieté qui a mis entre les François, le nom & l'honneur de Dieu en tel mespris (sous lequel neantmoins tremblent les Anges, les diables fremissent, les Cieux s'abbaisent, & les enfers s'espouuentent), que ie puis dire qu'il est mort au comble de son iniquité. Et quoy? (espouuantez-vous icy O Cieux. Portes des Cieux brisez-vous sur cecy) il

n'est aujour d'huy parfum que de l'improbité, la vertu put, & le vice est vne rose: De ce mespris sont sortis ces furieux, ces enragez, & maniaques qui mettent le feu dans leur propre maison; semblables au flambeau de celuy qui brusta le Tēple de Diane en Ephele: comparables à Pâris qui fut la torche qui brusta Troye, Et esgaux à ces malheureux Citoyens, qui furent cause de la ruine de Ierusalem, & de la subuersion du Temple de Salomon: Tisons fumeux qui iettent vne aigre & facheuse vapeur, laquelle donnant droict au cerueau, & le penetrant, offense le chef de son acrimonie, & nous tire à tous les larmes des yeux. Delà ces foudres que les anciens Toskans croyoient sortir de la terre, qu'ils appelloiēt *infernaux*, foudres fort cruels, & espouuentables, engendrez d'une matiere terrestre, pelee & confuse.

C'est de ce mesme principe que decoule ceste liqueur, qui faict flamber

ces lam-

ces lampes funestes, qui au lieu d'huile
 brullēt dans le sang, & ne luisent que
 dans les cauernes des Cyclopes ; aussi
 leur clarté offence les yeux, & l'odeur
 lenez de ceux qui les sentent, lesquels
 voyans les foibles estincelles de leur
 sombre lumiere, n'en peuuent atten-
 dre que de mauuais & cruels presages.
 C'est donc de là que sont sorties ces
 Comettes cheuclues, dont les rayons
 sont rouges & ardens, & qui ne presai-
 gent & ne menacent en terre que soule-
 uements de subiects contre leur Prince,
 dissensions des villes les vnes contre les
 autres, remuemens de Royaumes, &
 subuersions d'Empires. Bref cest de là
 mesme que no^r sont apparus ces Astres
 sanglants, ayans le regard effroyable, &
 la leueur insupportable. C'est par la
 mesme porte de l'impieté & du mépris
 de la diuinité, que sont entrez ces esprits
 desreiglez, qui ne peuuent s'accômoder
 ny à bien faire, ny à bien dire, non pas
 mesme à bien ouyr dire de personne.

Ces zelateurs extraordinaires de l'equité qui de trop grand amour d'auoir la iustice, se sont eux-mesmes precipitez en iniustice.

Et qui n'a veu entrer par là les soupçons, & les defiances qui vous trauail-
lent tant, desquelles ie peux dire que
comme le feu sans auoir brulé & con-
sommé la matiere en laquelle il est,
ne peut endommager les autres, &
comme la Vipere & la Murene n'en-
gendrent point leurs vipereaux &
leurs serpents d'eau, au mal & a la rui-
ne des hommes, qu'ils n'ayent premie-
rement mangé & rongé le ventre au-
quel ils ont esté conceuz; ainsi ces
soupçons & ces defiances n'apporte-
ront nuisance à personne que premie-
rement ils ne vous ayent ruinez & per-
dus. Mes enfans, pour vous le dire en
vn mot, vous estes tombez en ceste
maladie que les Medecins ont appellé
Spasme ou conuulsion, qui est vne
forcée contraction des nerfs, & vient

des deux causes principales, l'une trop grande repletion, remplissant & humectant les nerfs, l'autre inanition qui les seiche par trop, comme les cordes de luth trop tendues se rompent par l'interperie de l'air trop humide, ou trop sec; ces deux accidents ont esté en vous qui par vne violente conuulsion vous estes detachez entrelaissez & retirez les vns des autres, pour auoir esté remplis de mauuaises opinions, & persuasions pernicieuses, & du tout vuides de bonnes & legitimes intentions : Et de là ont pris naissance, tant de pretextes mal fondez, pretextes qui comme mauuais guides vous ont destournez du grand chemin Royal, & transportez par des sentiers, & destours incognus, dans des gouffres, & precipices : Pretextes qui comme feux follets & errans, où il y a de l'eau, resiouissent aucunement le passant, en l'espoir de l'obscurité de la nuit; mais s'il les suit, il se fouruoye, tombe en l'eau, & se

perd ; ainsi vos pretextes parez d'un faux lustre, si vous les suiuez ils vous conduiront & vous pousseront dans des abismes de pertes, & de calamitez innombrables : Pretextes qui ne sont qu'un sac mouillé contre la pluye & un voile de crespé : car à la fin les intentions se voyent, les desseins se decouurent & les ambitions sortent en euidence : tousiours autre estant le pretexte, & autre le dessein : Et pour l'ordinaire l'ambition en est la mere, & la nourrice ; les ambitieux oublians ordinairement deux choses, desquelles ils se deburoient bien souuenir, sçauoir la iustice, & leur propre foiblesse, Et ils ne bastiroient leurs esperances sur la ruine du public, ny leur fortune sur ses mazures. Qu'ils se souuiennét à tout le moins de la iustice, & mesme de la ciuile, qui n'est autre chose que le *Bien public* ; qu'ils le pourchassent, & l'embrassent à bon escient, & non par feintise, qu'ils n'en prennent pas simple-

ment le manteau pour couvrir leurs menées, praticques, diuisions, & souleuemens: ce qui arriue le plus souuét, durât les troubles d'un Royaume, comme aussi de prendre le manteau de liberté, pour opprimer la liberté mesme; Et de se couvrir du voile de religion, pour pallier l'ambirion, & impieté. *Autre est le pretexte*, vous dis-je, *& autre le dessein*. Mais de quel costé me tourneray-je parmy tant & tant de malheurs? à qui m'adresseray-je? de qui imploreray-je l'ayde, & le secours, tant pour moy malheureuse que pour mes miserables enfans? O Dieu! ô Ciel! O Anges! O terre! O hommes! Mais O grand Roy! qui commandez les François, & qui portez le sceptre de vos ayeuls avec autant d'aduantage sur tous les Roys de la terre, que le Lis est naturelemēt esleué sur les autres fleurs. Grand Monarque cest à vous mō cher Espoux, à qui j'ay recours apres Dieu, pour moy & pour mes enfans, en vne

si extreme & pressante necessité , c'est
 à vous qui auez l'autorité & l'affection
 de pere, d'aduiser à leur bien & conser-
 uation, & l'auoir en autant , ou plus
 grande recommandation que la vostre
 propre. Vous representez la grandeur,
 & la Maiesté du Dieu qui a faict , qui
 regit & gouuerne cet Vniuers: Et com-
 me au Ciel il a colloqué pour image de
 sa diuinité le Soleil : aussi à-il donné en
 terre semblable lumiere en la personne
 des Roys , pour reluire icy bas, comme
 ce bel astre reluit au Firmamēt: Il est biē
 vray que ce Firmament influē les Princi-
 pes des semēces cōuenables, puis la ter-
 re les produict, & sont les vnes accreuës
 par les pluyes, les autres par les vents, les
 autres par la Lune, & autres moindres a-
 stres , mais c'est le Soleil qui viuifie, &
 anime toutes choses ; aussi de tous les
 grands biens, & presants que Dieu fait
 aux hōmes, ils n'en pourroit jouir sans
 la Iustice, sans la Loy, & sans le Roy; la
 Iustice est la fin de la Loy, la loy l'œuure

du Roy, & le Roy l'ouurage, & le chef
 d'œuvre du grand Dieu: Et ce que Dieu
 est pour le regard de l'Vniuers, le Roy
 l'est pour le regard desō Estat, le Royau-
 me rapporte & ressemble à l'Vniuers, &
 le Roy à Dieu, en tant que la nature hu-
 maine le peut porter. Soyezdonc apres
 Dieu, le Dieu de vostre Estat, soyez son
 Sauueur, & sō salut. Soyez moy & à mes
 enfans vn vray Mercure, Et cōme luy,
 derrobez la masse d'Hercule, rauissez le
 trident de Neptune, prenez les bœufs
 d'Apollon, & ostez le carquois & les sa-
 gettes au Soleil; Et tout plein de diuini-
 té, & de courage, comme vn autre Al-
 cide avec la force de vostre sceptre,
 terrassez les monstres de vostre Ro-
 yaume, abbattez les vices, domptez
 les vicieux, chassez les confusions en
 quelque lieu qu'elles se trouuēt: Avec
 le trident de vostre Puissance, Sapience
 & Iustice, comme vn Neptune, accoi-
 sez les vents des dissensions, appeaisez
 les tempestes des diuisiōs: Et pour lors

32
vous desroberez les bœufs d'Apollon,
quand par vn labeur continuel & infatigable, vous conioindrez & vnirez tellement tous vos subiects ensemble, sous vostre autorité, que rien ne les puisse desunir ny desjoindre, que leurs volontez & leurs intétions soient semblables, vnes & constantes : Et que les deffiances, & soupçons, qui les ont tant trauaillez soient bannis & chassez si loin qu'ils n'ayent plus d'occasion de craindre qu'ils puissent retourner pour les replonger en nouuelles miseres.

C'est aussi par ceste voye que semblable à vn Soleil vous irez effaçant par la splendeur de vos actions royales, le lustre des plus grands Princes & Monarques de la terre. Ce sera lors que vos Lys embaumeront l'Vniuers d'une souëfue odeur : lors le manteau de gloire vous couurira plus richement que jamais, la couronne d'un honneur immortel environnera vostre chef, & les attours plus precieux de la grace eccle-

ste, qui est en vous, donneront vn es-
 clat qui vous fera reluire par dessus tous
 les Roys du monde: de sorte qu'il sera
 de vos labeurs comme de ceste massüe
 d'Hercule, laquelle plantée en terre,
 germa vn grand & excellent oliuier:
 car de vos veilles nous verrons naistre
 le repos, & de vos peines la felicité d'une
 paix assurée. Souuenez-vous s'il vous
 plaist, mon espoux & mon Roy, qu'au-
 tant qu'il y a de Rois au monde, & au-
 tant qu'il y a d'Estats s'ont autāt de Massôs,
 & autant d'Ateliers pour s'employer à
 la reparation du monde qui tombe par
 les iniquitez & iniustices des hommes,
 Dieu a faict ce marché avec les Rois
 qu'ils s'y employeront, & s'en acquit-
 teront selon les conuentions qu'ils ont
 avec luy. Car comme en vne maison ca-
 ducque, il faut pour la conseruer auoir
 tousiours le plastre & la truelle en mains
 ainsi le monde qui est vn chef-d'œuvre
 de ce grand architecte celeste, se de-
 struisant par les iniustices & intempe-

ries des hommes, pour lesquels il a esté basty, il faut que les Roys ayent tousiours en la main, le ciment de l'equité, & le mortier de la iustice pour enduire les parois caduques, & reparer les degats que font les iniustices & impietez des hōmes, qui sont les vents, les pluyes, les gresles, & les hyuers, qui minent ceste noble & excellente maison. Sire les maisons tombent lors que les poutres & les cheurons sont pourris, que les gros murs se laschent, que les toiets sont gastez, & que le bois vermoulu n'a plus de force, pour estayer & pour soustenir sa charge. Aussi lors qu'en ce vieil royaume qui a desia duré plus de douze cents ans, les plus grands tant de l'Eglise que de l'Estat politique, lors dis-je que ces poutres de cyprés, & ces cheurons de cedre serōt rongés ou pourris par leurs vices, impietez & sacrileges, ou seront gastez & ruynez par les mauuais temps des diuisions, rebellions, seditions, iouflements, & guer-

res intestines, c'est³⁵ lors que le pere & la
mere deuront craindre la cheute & la
ruine totale, de cet excellent bastiment
des François leurs enfans. Et ne semble-
il pas que nous soyons desia arriuez au
temps de ces funestes & tragicques e-
uenements? C'est vn miracle, Sire, que
la conseruatiō de vos enfans, & de vo-
stre maison, parmy tant de desseins &
de resolutions obstinees de se nuire en
nuisant, se blesser en blessant, & se de-
faire en deffaisant. Je veux bien croire
que l'image d'or de la Fortune qui e-
stoit appelée *Tres-sainct simulachre*, a
esté portée en vostre chambre Royale,
comme on la mettoit anciennement
en la chābre des Empereurs Romains;
Si bien que quād l'Empereur mouroit,
ceste image estoit portee de la cham-
bre en celle de son successeur, & ce d'au-
tant qu'ils croyoient que la Fortune e-
stoit fille de la Prouidence, de sorte que
sa representation en la chambre Impe-
riale, signifioit l'establissement & con-

duict du Royaume par la Prouidence.
 Je veux croire tout cela, & que la diuine
 prouidence qui aime tant le Lys a
 vn soin special & particulier du grand
 Monarque des François, & de ses en-
 fans, c'est le tiltre aussi que soixante
 quatre Rois Chrestiens mes espoux de-
 uant vous, ont tousiours prins ce tiltre
 de *Regnās par la grace de Dieu*, recognois-
 sans par là d'une façon particuliere, que
 leur regne despend immediatement de
 la Prouidence diuine. Pourtant, faisant
 commela trompette qui anime les plus
 courageux guerriers, allans à la charge.
 Je vous supplieray & coniureray par la
 memoire des trophées tant de vous,
 que de vos predecesseurs, par les cen-
 dres du feu Roy Henry le Grand vo-
 stre pere, par l'affection que vous por-
 tez à la Royne vostre chere & tres ho-
 norée mere, de laquelle vous estes le
 sang, la chair & les os; par la vertu, le
 bon heur, & l'amour coniugal de la
 Royne vostre bien-aimee Espouse,

que vous arrestiez fermement ceste
 paix fuiate, ceste Astrée qui offensée de
 nos desordres brâsle l'aille pour s'enuo-
 ler dans le Ciel, n'obmettez rien de ce
 que vous & vostre Conseil iugerez estre
 nécessaire pour cet effect; Conseil qui
 est l'Aïsseur & le Tutelaire des Roys,
 l'Autel de la Prudence, & le timon d'un
 Estat. Aduisez & resoluez les moyens
 les plus propres pour y paruenir, que ce
 ne soit point avec paroles vaines, &
 qui se perdent avec le son, mais avec
 bons effets, desquels vos enfans & leur
 posterité ressentent le fruit: prenez
 garde ie vous prie à tout le moins, que
 le remede que vous appliquerez aux
 plus grandes maladies de vostre Estat,
 ne se tourne en poison, & ne dilayez
 plus le medicamēt au malade: car com-
 me le mal ne peut venir tard, aussi le biē
 n'arriue iamais trop tost. Mais qu'est-ce
 que i'ay dit? à quoy est-ce que i'ay pen-
 sé? Qu'est-ce que i'ay fait, mon Espoux,
 mon Roy, en vous parlant de ceste sor-

re? vous m'avez preuenüë, vous n'avez
 pas attendu les prieres, ou les sollicita-
 tions pour bien faire à vos enfans, &
 ce n'est pas sans raison que ie vous
 comparois cy-deuant au Soleil: car ne
 plus ne moins que cet astre n'attend
 point ny les prieres, ny les enchante-
 ments pour se leuer & luire: mais sortât
 de son tabernacle, commel'Espoux de
 son liët nuptial, & à guise d'un fort &
 disposé Geant, prenât sa course depuis
 vn bout des cieux iusques à l'autre, &
 par sa claire lumiere dissipe l'obscurité
 de la nuit, & chasse les tenebres, em-
 bellit les cieux, orne la mer, enrichit la
 terre, donne chaleur aux choses, ani-
 me, resiouyt, nourrit, & conserue en
 son estre tout ce qui est enclos dans
 cet vniuers; aussi vous mon Soleil, n'a-
 uez point attendu les prieres, & les sup-
 plications pour bien faire, & recher-
 chant non la gloire ny la loüange, ains
 le bien, repos & soulagement de vostre
 peuple, de vous-mesmes avez faict

paroistre les effects de vostre bonté, & benignité Royale, & plus que paternelle.

Mes enfans il en est ainsi, & reuiens à vous pour vous dire que vostre Roy (affin de vous maintenir en paix, vnion & concorde fraternelle) se resolut ces iours passez de donner cognoissance de ses affaires, de ses desseins, & resolutions à son Parlement, où on vid le Roy & la Loy se reposer en ce liët de Iustice ensemble, sous le mesme couuert: cest là où il fut veu assis a guise de Iupiter Olimprien, tenant d'une main vne victoire, & de l'autre vn sceptre gracieux qui est la main de Iustice, ayant en sa teste vne Couronne d'Oliues, qui est le Symbole de la paix, & son manteau estoit semé de fleurs de Lis d'amour, & de douceur: Cest là où il estoit, comme ce grand Sapor Roy de Perse au milieu de sa machine de Cristail, de laquelle il voyoit la course rapide de tous les globes, le mouue-

ment des Astres, les voyages du Soleil & de la Lune, & consideroit ce qui faisoit les ombres dextres, ou senestres sur la terre. Que si les actions passageres des Roys, & leurs plus petits mouuemens sont autant de rayons qui sortent d'un Soleil animé, & portent ceste necessité de ne tomber iamais en tenebres. Il faut croire que cest action solemnelle de nostre Roy sera profondement imprimée dedans le cœur de ses bons, & fidelles subiects : Et à la verité la gloire & la Maiesté des Roys est incomparable, mais celle du Roy qui a espouzé la France, estant assis en son liēt de iustice, est vne merueille qui passe toute merueille, C'est dōc en cest Auguste Parlement, où le Roy parut en sa Maiesté, & declara le dessein qu'il auoit de s'acheminer en la ville de Roüen, pour mettre ordre par sa presence, à quelques factions qui se tramoiēt : ce qu'il a faict à l'exemple du grand Hercule, lequel estant

Roy

Roy Souuerain de tout l'Orient faisoit
vne continuelle reueuë de ses terres,
pour en chasser les maux, & incommo-
ditez, qu'on a transformé par apres en
monstres & prodiges.

Allez donc mon espoux, allez grand
Hercule, faites le tour de vostre Royau-
me, visitez vos prouinces, voyez vos
villes, sans toutesfois oublier iamais vo-
stre vnique, vostre choisie, & vostre
bien-aymée ville de Paris, Paris l'œil de
vostre Estat, mon brillant, ma perle, &
mon diamant; Paris la merueille des
villes du monde, l'estónement de l'Eu-
rope, & le miracle de la Chrestienté; al-
lez, dis-je Prince magnanime, & cou-
uert de la peau du lion, qui est vostre
Royale puissance, portant d'une main
la massuë qui sera vostre sceptre, & de
l'autre la verge, auec la main d'iuoie de
vostre Iustice, donnez la chasse à tous
les maux qui sont les monstres qui af-
fligēt vos fidelles subiects. La paix, Sire,
plustost que la guerre, la paix, ce mon-

de du monde, l'ame de la nature, la mere de la bonté & de la beauté, & le lien des creatures; la paix, le cœur, la vie, & les esprits d'un estat; la paix chef-d'œuvre du Ciel, present qui doit venir de vostre main; la paix qui comprend le salut & la conservation de vostre Royaume. Et faictes en sorte que comme près d'Aspasia ville d'Asie, il y a deux montagnes dont l'une esloigne le fer, & l'autre l'ap proche: ainsi en vostre Royaume vous soyez ceste montagne qui repousse le fer de la guerre, d'autant plus que quelqu'autre le voudroit approcher: que la seule necessité vous dispense de faire la guerre contre vos propres enfans, & subiects naturels, quoy qu'ingrats, quoy que rebelles & desnaturez. Il est de la guerre, Sire, en vostre Royaume, comme d'une religion nouvelle, telle qu'est celle que par l'auctorité de vos saints Edits vous voulez iustement estre appelée pretendue refformée, car com-

me vn globe ne peut toucher vn autre corps plain & esgal ; qu'en vn seul point : Ainsi ne peuuent les reigles de la religion conuenir amiablement avec les reigles d'Estat qu'en vn seul point, à sçauoir celuy de la necessité, laquelle seule dispense de tolerer vne religion autre que la Catholique, & qui appointe la conscience avec la police, & l'Eglise avec l'Estat. Partant que les seules Loix de la necessité vous mettent l'espée à la main ; mais aussi quand vous l'y aurez mise, courage, Sire, courage, car outre l'ayde qui vous viendra d'en haut, vous pouuez dire hardimēt ce que dist brauement vn iour le Roy Charles IX. lequel accompagné de plusieurs grands Seigneurs de sa Cour, comme vn d'eux luy demanda s'il luy plaisoit qu'il portast son espée, respondit soudain, *Je ne sçache homme en mon Royaume plus digne de porter mon espée que moy*, qui estoit vne repartie digne d'un Roy de France, & qui a d'autant

plus de grace quelors il estoit fort ieune. Et quand vous serez arme prest de paroistre à la teste de vostre armée, comme vne Comete brillante, esblouissant les yeux de vos ennemis, faictes comme faisoient autrefois les Roys, mes Espoux, vos predecesseurs, lesquels allants en guerre portoient sur leurs heaumes au iour des batailles vne Couronne, & tout au feste vne fleur de Lis à quatre faces, afin que de tous costez qu'on la verroit elle retint la forme de Lis. Car les Roys es iours des batailles vouloient paroistre, & faire sçauoir quels ils estoient: Allez donc mon Espoux, paroissez ce que vous estes, & soyez ce que vous paroissez.

Et vous mes enfans à quoy pensez-vous, que faictes vous? sans penser à ce que vous faictes? resister à vn Roy, ne se peut, non plus qu'à Dieu mesme qui le conduit & le meine par la main: Croyez vostre mere, qui a tant consideré vos maux, & pense à present aux

remedes. Chers enfans escoutez paifiblement vostre mere, laquelle vous va descouvrir & monstrier mieux que iamais, la source de tous vos malheurs, l'Androgyné de Platō estoit si fort que ne considerant pas que sa force venoit d'en haut, plein d'orgueil, commença à menacer le Ciel, & mespriser la Diuinité, à raison de quoy elle le partit & diuisa en deux, & l'affoiblissant par ceste diuision, luy fist recognoistre sa fragilité, & ressentir l'insolence de sa presumption; de mesme façon vous vous estes laissez emporter au vent de vanité, vous auez secoué le joug diuin, & eniurez d'une longue fœlicité, & indulgence de la fortune, vous estes fiez en vos biens, sans en remercier & louer l'Autheur; ne vous estonnez donc pas, si par vn iuste iugement de la vengeance celeste, vous auez esté partagez & desunis de cœurs, de conseils, de desseins, & de volōtez, et ce affin que vostre foiblesse vous

attendrisse le cœur, vostre mal vous humilie, & vostre humilité vous porte & vous dresse au ciel, pour coniuurer la diuine bonté qu'il luy plaise, vous reünissant ensemble & à vostre Chef, qui est vostre Roy, Et mon Espoux, de vous remettre en vostre premiere splendeur. Car ce qui conserua la race de l'Androgyne diuisé, c'est que tousiours il s'eluertua de retourner à sa premiere conjunction. Venez d'óc mes enfans, reuenez François à vous mesmes, dressez-vous droict au ciel cōme le Cedre, esleuez-y vos pensees, comme cet arbre faict ses branches, & tousiours portez vostre cœur en haut, comme il aime les montaignes, qui fait qu'il ne se moisit iamais, & pour ceste consideration les Payens en faisoient les idoles de leurs Dieux: Cherchez vostre conseruation dans le firmament, & non dans les entrailles de la terre, où vous auez trouué le fer, pernicious instrument de la

vie humaine, que ceste terre a neant-
 moins caché bien auant, comme cho-
 ses tres-nuisible, & qui ne sortiroit de
 ses tenebres, qu'avec le dommage de
 l'homme: ce metal n'est point le re-
 mede preparé à vos maux: C'est à Dieu
 premierement qu'il faut auoir recours
 comme estant le premier ressort de
 nostre machine, sans lequel les autres
 sont sans mouuement; aussi son au-
 thorité merite toute prerogatiue. Mais
 apres Dieu, iettez les yeux sur vostre
 Roy, ce grand Roy, vostre Prince na-
 turel. Ce Roy, cet enfant de Roy, vray
 successeur & legitime heritier de la
 Couronne, & du courage d'Henry le
 Grand, son pere de glorieuse memoire,
 & vous aduancez. Venez, rêttez en
 la maison d'ot vous estes sortis: Le Roy
 mō Espoux vostre pere vous attend les
 bras ouuerts pour vous recueillir com-
 me ses enfans & les miens. Que si par
 ie ne sçay quel mal-heur, vous avez
 perdu le respect & la qualité de vrais

& fideles enfans, il n'a pas perdu ce qui estoit de l'amour & de l'affection de vray pere. Venez donc & vous approchez, ne craignez point, l'amitié qui est reconciliée est plus forte, & plus ferme, que celle qui n'a iamais esté interrompuë ny alteree, & n'y a telles caresses, qu'entre amis qui s'estoient irritéz. Hastez-vous : car pourueu que vous reueniez, le mauuais temps ne reuiendra plus. Venez donc veoir vostre Roy, & adorez l'image viuante en terre du Dieu viuant qui est au ciel, Et puis qu'il est Louys le Iuste, rendez-luy ce qui luy est deu ; reuerrez sa couronne, abbaissez vous sous la grandeur de son sceptre, redoutez la main de iustice, & mettez-vous à couuert sous son mâteau Royal semé de fleurs de lys, marque de la douceur & benignité royalle, capable de couvrir non seulement les enfans, & subiects qui se retirent sous son ombre, mais aussi les peuples estrangers, & les fa-
uoriser

uoriser de sa protection, comme ont
 faict plusieurs fois ses predecesseurs,
 les plus grands Princes de la terre; ouy
 les Roys de Cypre ont demandé autre
 fois ceste protection, & l'ont obtie-
 nuë, les Roys d'Armenie, les Roys de
 Hierusalem, ceux de Portugal, & de
 Hongrie, & entre nos proches voi-
 sins, nul ne la requise qui en aye esté
 esconduict: de sorte que ce manteau
 Royal seruy comme de retraite à
 tous les affligez; Et tous les Roys Chre-
 stiens de la terre s'y font mis à labry,
 pour se garentir des orages qui les me-
 naçoient: Et quoy? auez vous beu de
 ceste fontaine d'Ætiopie qui alienne
 les hommes de la raison & leur faict
 perdre le sens? que voyez vous donc
 dans les pauillons de Moab, qui se
 puisse comparer aux tabernacles de
 nostre Iacob? que trouuez vous par-
 my les eäuës boueuses de ceste ingra-
 te Assyrie, & parmy le limon d'Egy-
 pte, qui se puisse esgaler aux fontaines

50
qui sortent du terroir d'Eden, & qui
baignent de leurs eauës le seul Paradis
terrestre, qui est le Louure & le Palais
de vostre Roy ? pourquoy laisser les
eauës viues de nostre Hierusalẽ, pour
puiser aux cisternes de vostre Samarie ?
laisser l'eau du Jourdain, pour boire
l'eau de la mer morte ? quel plaisir, quel
honneur, quel assurance auez vous
estants ainsi diuisez & separez de vo-
stre Roy, de vostre chef, de vostre
cœur, de vostre vie ? Pourquoy resi-
stez-vous à Dieu duquel vient toute
puissance ? Pourquoy contristez vous
son saint Esprit, qui est le nœud, &
le sacré lien de l'amour qui doit estre
entre le Roy & ses subiects ? pourquoy
donc deniez-vous le bien de vostre re-
tour à vostre propre mere vostre pa-
trie, ce repos à vos esprits, ce conten-
tement à vostre Roy, ceste consola-
tion à l'Eglise militante, ceste ioye à
la triomphante, cet honneur au Roy
de gloire à Dieu le Roy des Rois, & le

Seigneur des Seigneurs? O heureuse
 & trois & quatre fois heureuse la iour-
 nee qui verra ce retour desiré! memo-
 rable sur tous les iours de l'annee, & re-
 marquable sur nos Ephemerides! iour-
 nee par trop desirable! en laquelle on
 verra ceste aimable reünion du chef a-
 uec ses membres, ceste estroite allian-
 ce du Roy avec ses subiects, ceste liai-
 son du pere avec les enfans! Concor-
 de toute diuine, laquelle ne sera pas si
 tost logée au sacrè palais de mō saint
 Espoux, vostre Roy, qu'elle se com-
 muniquera & respandra de là par tou-
 tes les prouinces, par toutes les villes,
 & par toutes les familles de cet Estat;
 ainsi que les lignes, de leur centres'en
 vont à la circonference, comme les
 cordes d'un luth partent d'un mesme
 lieu, pour rendre vne bonne & par-
 faicte harmonie, & comme les esprits
 animaux, vitaux, & raisonnables sont
 despartis par tout le corps, au moyen
 du cœur, du foye, & du cerueau. Qu'a-

prenez-vous donc mes enfans ?
 Qu'est-ce qui vous arreste ? Vous ne
 trouuerez rien de rude, & de fascheux
 en vostre Roy, si vous reuenez prom-
 ptement. Dieu qui aime la douceur
 dessus tout, luy a donné pour le blason
 de ses armes, non l'Aigle pleine de ra-
 pacité, comme il est demeuré à l'Em-
 pire, mais le Lis plein de suauité, non
 les Lions rempans, non les Griffons
 volās, non les Sangliers, nō les Loups,
 non les Dragons, mais les fleurs, & en-
 tre les fleurs, les fleurs de Lys, les plus
 suauces, & agreables en odeur, & les
 plus excellentes en beauté & en hon-
 neur. Vous verrez vostre Roy, sembla-
 ble à vn beau Lis recommandable
 pour la verdeur de ses fueilles, pour
 la blancheur & netteté de sa fleur,
 & pour l'odeur qu'il espéd infiniment
 agreable. Et comme la verdeur des
 fueilles du Lis paroist autant en hyuer
 qu'en esté; ainsi nostre Lis Royal au
 milieu mesme des agitations & mou-

uemens de ses subiects , souleuemens
 de ses villes, & troubles de son Royau-
 me , comme au milieu des hyuers , se
 montre verdoyant en Iustice , & en
 equité : Et comme la blancheur de ce-
 ste fleur surpasse toute autre blan-
 cheur , & que la nature la renduë si
 polie , & lissée que le satin blanc n'est
 point plus beau , & plus poly ; ainsi
 vous trouuerez vostre Roy avec ses
 mœurs blanches , & innocentes , po-
 lies tant par la discipline ciuile , que
 par les preceptes de la Philosophie
 Chrestienne , ce qui est d'autant plus
 esmerueillable qu'il est encore en l'A-
 uril , & en la seue d'une vertueuse ieu-
 nesse : Et finalement cōme du tēpera-
 ment des fleurs , la bōne odeur vient à
 naistre, & que le Lis quelque part qu'il
 soit , espend vne suauité agreable , &
 plaisante ; ainsi en quel endroit que le
 Roy se trouue l'odeur de sa vie , & de
 ses iustes actions , donnera contente-
 ment à ceux qui s'en approcheront.

Car ils le verront tout paré de fleurs de Lis, son espée toute semée de fleurs de Lis, son armet couronné de fleurs de Lis, sa ceinture toute estoffée de mesmes fleurs de Lis, son liét, son manteau, & tout ce qui l'environne de mesme parure. Au reste que les armes, que la gloire, & la puissance du Roy ne vous effrayent point; Car vous voyât auprez de sa personne il imitera ceste fleur, qui lors qu'elle est plus belle, plus fleurie, & plus odorâte, cest lors qu'elle incline sa feuille & la panche contre bas. D'ailleurs souuenez-vous qu'anciennement au sacre & couronnement de vos Roys, les Pairs Ecclesiastiques & Seculiers leur soustenoient la Couronne, & qu'encore aujourdhuy si tost qu'elle est mise sur le chef du Roy, par l'Archeuesque de Rheims seul, il faict venir & appelle tous les Pairs, Clercs, & Layques, qui tous & de tous costez soustienent ceste Couronne: Et ce que l'Ar-

cheuesque de Rheims seul la pose sur
le chef du Roy ; cest pour l'aduerti-
que de Dieu seul il tient la Couronne
pour raison de laquelle il luy doit ho-
mage , recognoissance , fidelité , &
obeissance perpetuelle , & rendre
compte vn iour de tous les subiects
qu'il luy a commis , voire iusques aux
plus petits : Quant aux Pairs qui sou-
stiennent la Couronne , cest pour
nous monstrier quelle est sa pesanteur,
qu'il n'y a charge si grande que celle
d'un Roy , & que partant non seule-
ment les Pairs , mais les Princes , &
tous les grands du Royaume doiuent
tousiours assister le Roy , de leur con-
seil , de leurs armes , & de leurs moyës,
voire de leurs propres vies, affin de luy
aider à soustenir vn si grand faix qu'est
celuy de la Royauté. Venez-donc
tous, ou plustost reuez tous, Prin-
ces , Ducs , Pairs , Officiers de la
Couronne , & autres ; Et vous pre-
sentant deuant sa Majesté , saluez-

58

là de ces vœux & acclamations de
ioye.

Que beny soyéz-vous Roy tres-
Chrestien, & tres-Catholique, nou-
veau Clouis, nouveau Constantin,
plus heureux qu'Auguste, meilleur
que Traian, plus humble que Robert,
plus temperé que Philippe III. plus
affable que Charles VIII. & plus pa-
tient que Charles VI. beny soyéz-
vous Roy tres-Chrestien, Pere de la
Patrie, conseruateur de la Religion
Catholique; Dieu qui vous a donné
du Ciel vous conserue, & la France
avec vous: Nous adorons vos lauriers,
vos palmes, & oliuiers de paix; les vns
vous ombragent le chef, les autres
sont pour la commodité de vos sub-
iects: Viuez longues années, viuez
pour vous, & pour vostre peuple;
puisque vostre vie est la vie de vos
subiects, & vostre contentement, le
bon-heur de vostre Estat. Nous as-
semblons sur vostre sacré chef toutes

ces benedictions, comme autant de
 fleurons à vostre Couronne autant
 d'années & de siècles à la vie de vostre
 Maïesté, & autant de monuments à la
 posterité de nostre tres-humble & fi-
 delle seruice. Nous sçauons bien que
 toutes les vertus ensemble vous ont
 seruy cōme de nourrices, tādīs que vo⁹
 estiez au berceau, pour vous dresser
 à l'amour de Dieu, & de vos peuples.
 La debōnaireté de Louys I. Le zeile de
 Louys II. la candeur de Louys III. la
 Iustice de Louys IV. la valeur de Louys
 V. la fortune de Louys VI. la genero-
 sité de Louys VII. la chasteté de Louys
 VIII. la saincteté de Louys IX. la cō-
 stāce de Louys X. la prudēce de Louys
 XI. & la bonté de Louys XII. Toutes
 ces celestes Déeses qui vous ont tou-
 siours accōpagné du depuis, ne vous
 abandoncront iamais. Et pour cōble
 de tāt de rares & diuines qualitez, nous
 prions Dieu que la foelicité de Louys
 XIII. puisse remplir de son nom l'esté-

duë de l'Vniuers. Voyla nos armes, Sire, voyla nos moyens, voicy nos vies & nos personnes, que nous offrons à vostre Maieſté, pour cōtinuer l'hōneur, & la reputatiō de nos ancestres, qui ſoubs les Auspices des Roys tres-Chreſtiens, vos predeceſſeurs ſe croiſoient contre les Infidelles, pour la propagation de la Foy, où ils ont fait des actiōs ſi memorables qu'elles ſemblent ſurpaſſer la creance de leurs neueus. Ah! quand viēdra le iour, que V. M. marchāt ſur les pas de Louys le Ieune, de Philippe Auguſte & de S. Louis; de Robert, & Louys Côte de Poiçtou, l'un frere, l'autre fils de Louys VII. de Philippe, & Pierre Côte d'Alençon, & Iean Côte de Neuers, fils de S. Louis, entreprēdra vne dixieſme expedition, & croiſade generale, pour arracher la terre ſaincte d'entre les mains des infidelles, & planter les Lys parmy les palmes de la paleſtine.

Croissez donc ieune Prince, croif-

sez, arrosé des faueurs du Ciel, & rempli des benedictions de la terre. Croïsez à l'ombre de la paix vniuerselle de vostre Estat, comme celuy qui deuez porter en vostre main droicte vne pomme d'or, telle qu'on l'adoroit iadis dās Athenes, pome Simbole de la victoire : car aux vainqueurs, on leur jettoit des pomes ; Et aux ieux Pithyens les Couronnes n'estoient que de pomes, prinſes au Temple d'Apollon, ou seules, ou entrelasſees avec des branches de Laurier.

Ouy vne pomme, Sire en vostre main, car si les Lacedemoniens ont autrefois dedié les pommes du jardin des Hesperides à leurs dieux, & si ce fruit est digne des dieux, il ne sera pas indigne des Roys. Mais quelle pomme tiédrez vous en vostre main ? c'est vne pomme *fatale & mystérieuse*, que le Turc apprehende par dessus tous les malheurs du monde, & ne signifie autre chose que *l'Empire Fran-*

çois, lequel dans les vieux *Ænigmes*, touchant la destruction de Constantinople, est décrit ordinairement sous la forme d'une pomme rouge qu'ils disent estre fatale à leur estat. Courage, Sire, courage, puisque vous estes celuy qui deuez vn iour en vray Conquerant de la terre, porter en vostre main le monde comme vne pomme couronnée, amener en France vn beau jardin des Hesperides, et par vos victoires, despoüiller leur bel arbre doré; Ce sont les vœux, Sire, que nous en faisons, c'est la promesse que nous en font les anciennes propheties, & l'esperance que nous auons conceüe de vostre Majesté.

Voilà mes chers enfans, vne partie des choses que ie vous conseille de faire tant pour vostre bien & conseruation particuliere, que pour l'honneur & l'intérêt de vostre posterité, c'est à quoy ie vous exhorte avec tout le ressentiment & l'affection de celle

qui cōme estant vostre mere ne peut & ne veut subsister que dans l'assurance qu'elle aura de vostre repos, & parfait contentement. Je vous coniure dōc & parce que ie vo⁹ suis, & par les cēdres de vos peres: par ceste charité que vous deuez à vostre patrie, de laquelle il sēble auiourd'huy qu'ō medite la ruine: par vos propres femmes & enfans qui dans la fureur d'vne guerre ciuille sont les iouēts ordinaires del'insolēce & de la rage du soldat: par vos fortunes domestiques & priuées, lesquelles il est difficile voire impossible de maintenir parmy les desbordements & la licence des armes: finalement ie vous coniure par la iustice, pieté, & innocence, & par toutes les vertus qui rēdent vostre Monarque autāt esleué par dessus les autres Rois, cōme les Rois le sont par dessus le reste des hōmes, que vous fassiez sentir aux ennemis cōmūs de nostre grādeur, que l'affectiō & fidelité des Frāçois enuers leur Prince naturel n'est point du

tout esteincte , & qu'encores estes-
vous dignes enfans de la France vostre
mere , & non moins dignes sujets de
Louys le iuste vostre Roy. Cependant,

O grand Dieu des armées qui tiens
deffoubs tes pieds la nature des choses
qui d'un clin d'œil fais marcher de-
uant toy la troupe brillante des astres
des cieux , qui seul manies les resnes
du destin & de la fortune, Dieu Roy
des Roys , protecteur des Roys, def-
enseur des Monarchies , & le seul sa-
lut des peuples , qui des tenebres fais
naistre la lumiere , & du desespoir ti-
res l'esperance , ouvre les yeux de ta
pitié & misericorde sur ceste pauvre,
triste & desolée mere des François , &
sur les pauvres enfans: me voicy deuant
le throsne de ta diuinité, prosternée en
terre, terre arrosée de mes larmes , lar-
mes qui me seruent de paroles , paro-
les qui tesmoignent l'excez de mes
douleurs & cuisantes amertumes. O
Dieu , qui t'es pleu de telle sorte à la

fleur de Lys qui est ma liuree , mon
 symbole , & la gloire de mes armes ,
 que tu l'as faiet planter deuât ton Tē-
 ple sur deux belles colonnes , & de-
 dans ceste saincte tienne maison , en
 tant de lieux, mesmes en ton sacré san-
 ctuaire , qui as voulu auoir tousiours
 ceste fleur presente deuant tes yeux
 pour te seruir comme d'vn parfum de-
 licieux & agreable , voulant predire à
 tout le monde par ce moyen , com-
 bien les mœurs des François mes en-
 fans, qui deuoient fonder cet Empire,
 cōbien leur pieté & religion, & com-
 bien leur valeur seroit de bōne odeur
 en ton saint tabernacle, c'est à dire en
 tōEglise. Ne permets pas Roy de gloi-
 re, grād Maistre des batailles, seigneur
 des exercites , & ne souffres pas que
 ceste fleur se fane & se ternisse , releue
 sō lustre, & sa beauté; fais fleurir parmy
 mes enfās, la Iustice & la pieté, la Reli-
 giō, & l'Estat, la foy, & la charité, la paix,
 le pouuoir de la guerre. Entreprēds &

faictz, s'il te plaist, ce chef-d'œuvre du
 ciel, tu le peux si tu le veux, tout est sim-
 ple deuant toy ; ton sceptre diuin sera
 le caducée qui cōduira, induira, & re-
 duira mes enfans à tes saintes volōtez,
 & qui fera germer en leurs ames les se-
 mences de la bonté? O Dieu assiste mō
 Espoux, leur pere, leur Roy, & leur Pa-
 steur, assiste-le, & luy enuoyez secours
 de ton S. lieu, afin que cōme Pere il pa-
 cifie ses enfans, cōme Roy, il rallie ses
 sujets, & cōme Pasteur il reünisse ses
 ouailles, sous la houlette de sō sceptre.
 Sauue la fleur de Lis, sauue la Courōne,
 sauue le sceptre de Louys XIII. & sou-
 stiens puissamment la iustice de Louys
 le Iuste: marche deuant luy, fais voye à
 ces iustes desseins, & cōduis à bōne fin
 ces saintes entreprises : soys son ar-
 che d'alliance, & son Auriflame, & son
 guidon ; et fais que tant de millions
 d'ames qui respirent en ceste Monar-
 chie, flechissent toutes sous le joug
 tres-agreable de ses Loix.

